

論言星

附京山王都憲祖地

梓溪劉氏祖地

論鬼星

附安澤江氏原公地

吉水劉壯元祖地

豐城雷氏祖地

葉氏始祖地

浮梁方氏地

論禽星

附建寧王天祥祖地

恭和縣陳氏祖地

德興強溪張翰林祖地

論曜星

附浮梁李洪財祖地

豐城黃南岳祖地

樂平黃南岳祖地

沐國公祖地

臨海王侍御祖地

德興張南岳祖地

附建寧王天祥祖地

恭和縣陳氏祖地

二議

砂圖

# 人子須知







人子須知卷之三十一

銀邑山人

徐善繼

徐善述

同著

門人


涂元良

參錄

此一卷專論官鬼禽曜夫所謂官鬼禽曜者乃真穴  
之前後左右發出餘氣之山在前者曰官星在後者  
曰鬼星在龍虎外左右者曰曜星在明堂左右及水  
口間者曰禽星亦曰明曜皆為富貴龍穴之證也傳  
文懿公立四靈歌云禽曜星與官鬼都是好龍生秀  
氣穴前穴後龍虎傍有此定為公相地卜氏云要識



官鬼禽曜圖



前官後鬼方知結實虛花又云禽星獸星居水口身  
處翰林又云生曜生官王謝之名可望此官鬼禽曜  
之所以不可無也著其要于左

問君何者謂之官朝山  
背後逆拖山  
問君何者謂之鬼穴山  
背後撐者是  
問君何者謂之禽龜魚  
生在水中心  
問君何者謂之曜龍虎  
肘外石尖生



## 論官星

官星者龍虎橫抱穴外背後有山拖向前去者也子微云試問如何是官星本身山前更有山此乃龍旺秀氣融結包會不盡故又發爲官星也龍之貴氣重大者官星亦必重大龍之貴氣輕小者官星亦必輕小所謂大小非論形躰乃氣脉之力量也名爲官星有吾無凶但恐龍穴不真縱有官星亦爲無益子微云大凡官星無凶惡只恐似官非是官官星在橫山龍虎外故多不見亦有見者謂之現世官現面官經云官星在前多不見見者名爲現世官若龍穴真主當代貴大抵官星雖有



吉無凶亦必龍穴真則吉否則皆凶且不必拘其形象而爲繁瑣之論云如京山王氏伯玆公地官星格也

圖具下



王都憲祖地



官星此去十三里



右地在京山土名接官廳新堰灣其龍係縣龍分幹  
來歷甚遠不及詳述將入局開帳重重大斷起尖山  
爲廉貞火星生出土星土又生出金星是爲大月山  
又自月山下連穿三峽過田如拋毬如走馬如梭帶  
線如珠牽絲龍氣旺甚枝脚蕃衍護從稠密正脉中  
出爲太陰金星串脉吐出微乳結穴穴情甚秀兩掬  
彎抱寬暢有情內堂融聚外陽平行而右臂復大轉  
包裹爲玉帶砂橫繞穴前其餘氣復當面抽出發爲  
官曜去三十餘里兩畔枝脚回抱重叠關鎖有力真  
貴地也只是官星去遠此穴結於龍腰之間山勢未



止孰識爲此等大地葬後出希旦公登進士官僉憲  
曰橋堦官方伯曰格進官少卿方伯之子宗茂進官  
侍御今又池公宗載登進士累官都憲曰宗彥宗纂  
宗楚大本大有曰堦諸公連登科甲人才迭出富貴  
未艾

按是地餘氣去長此圖不收餘氣篇內直以官星  
取者以去山在虎砂外對穴穿田而去是官星格  
耳但穴左山勢太短似與右氣不均然既鋪毡作  
王氏陽基又溢爲靈泉於基前則其氣以泉發與  
右等地比造化隱微須詳審精察未易入俗眼耳



傳奇王氏基前有靈泉每虹氣現則王氏有發科  
甲者屢驗王氏諸公號虹塘虹泉瑞池咸取此耳  
隆慶戊辰虹現王氏無會試者人以爲不驗旣而  
是科翼軒李公維禎登第入翰林應之蓋李公乃  
侍御虹塘公宗茂婿也



南昌梓溪劉氏始祖地

丙向兼午

託長老下僊人戲掌形



官星證穴格



右地在南昌土名馬鞍溪其龍起自帳幕嶺正脉穿

田至朱坊橫開平岡大帳帳中出脉迢迢二十餘里

將入首又大斷過峽起三台垂乳開窩結穴前吐餘

氈後拖尾撐第青龍直硬竄堂下關低陷不入俗眼

不知回龍顧祖骨肉一家青龍雖竄是為明曜又拖

官星適足為貴證葬後諸公李清進士子肅進士伯躍侍郎

伯秀副憲廷重進士廷梅副憲廷棕廷膏廷賓廷楫俱鄉仕

賢進士仕階進士仕楨仕松仕泰俱鄉曰睿進士曰材御史曰材布政

曰桂進士曰樟曰淑曰揚一龍一鵬一燭俱鄉封廕應

例衣冠百餘人人丁大旺富貴鼎盛未艾



## 論鬼星

鬼星者穴後拖撐之山枕樂穴場者也楊公云問君如  
何謂之鬼鬼在後頭撐者是蓋撞背來龍結穴則無鬼  
惟是橫龍結穴必須有鬼星撐在穴後方證得穴之真  
實廖氏謂橫龍結穴必要鬼者是也以其在穴後分漏  
本身之氣故取義於竊而名之曰鬼吳香山云鬼於地  
理中不在屈指言不在亦不在星辰之例凡論地理只  
看來龍入穴左右龍虎朱雀前砂及山水大情交會與  
不交會四維八將缺折與不缺折鬼置之勿論可也但  
穴有偏斜處却有借鬼爲證者此說最善蓋鬼不必於



有爲吉亦不必於無爲凶特以偏斜之穴須用鬼證耳  
如此則鬼何關於地之大小輕重耶前輩亦有言鬼者  
詭也奇異變幻不可盡信豈有專取的於鬼亦有有鬼  
而不當穴者又宜以穴法通變不可盡泥於鬼又云鬼  
者詭也詭異奇恠之穴須用鬼證之觀詭之脉知穴之  
情又曰鬼是漏竊真龍之氣大地必無鬼又曰大地真  
龍氣盛而旺故有鬼山或去數里又曰鬼奪我氣不宜  
高大又曰屏帳鬼星高大使相紛紜之說不一要之至  
理必以龍穴爲主龍穴貴秀則鬼爲吉龍穴假偽則鬼  
爲凶譬猶世有鬼祟若人氣盛旺家道興隆則鬼獻



祥反爲福兆若人氣萎翦家道復替則鬼出妖怪能爲  
我禍取義一同全以龍穴爲主而後論鬼龍穴不真生  
氣散漫則鬼爲禍賊矣若徒以鬼星形狀決貴賤禍福  
而不論龍穴之根本則失之矣且鬼星亦惟可以理盡  
不可以形盡只欲其光彩渾厚秀麗尊重或方或圓或  
直或橫或雙或三重重彎抱貼衛本身不散漫舍窻不  
醜惡可嫌則得其妙奚必瑣瑣論其形狀至百二十之  
多哉今以橫直雙邊高長短數格具圖爲式觸類而長  
之可也



癸源縣汪氏祖地  
橫鬼證  
穴格



癸源縣汪氏祖地



右地在婺源縣土名大田寺乃諸汪始祖愿公墓也  
其龍勢甚長不及詳述入首平岡結穴精巧龍虎彎  
抱餘氣悠衍明堂平廣內氣融聚外陽寬暢但結穴  
處龍脉未盡橫受之穴正當穴後一脉穿田頓起鬼  
星橫枕抱衛有力證得穴星尊貴此所以爲美地也  
葬後鼎盛出科甲數十人尚書亦數人若中丞侍御  
方面郡邑守佐難以悉舉至今子孫蕃衍富貴齊美  
雖汪氏諸派佳地猶多此其發源鍾秀爲最云



吉水劉狀元祖地

在文昌鄉地名夏開

仙人大座形

盤龍勢

穴前逼

窄不見外

明堂亦不

見水

直鬼證

穴格



遠甚山障大坐後



右地在吉水縣文昌鄉土名夏朗狀元劉文介公儼  
祖地也其龍來脉甚遠不詳述入局開大帳連穿數  
峽走閃翻身轉盤屈曲爲蘆鞭格入首頓起金星開  
鉗中垂小乳乳下平坦穴結乳頭兩掬彎抱有情內  
堂緊聚外洋開暢前朝秀麗後幃高聳坐枕鬼星直  
撐有力大溪後纏四從稠疊水口交鎖葬後出鼎實  
公登進士官副憲曰庸性發高科文介公儼正統壬  
戌狀元官至少卿贈禮部左侍郎又嘗觀其鳳形亦  
美地也今福祉未艾

此鄉山水甚秀五里有三及第之貴  
文介公及彭狀元教王榜眼良也



豐城縣雷尚書祖地

雙鬼證穴格

羅山



須矢三十一

九



右地在豐城土名雷坊俗呼象形其龍起自小山地名三台作祖垂正脉過峽穿田復起星峰橫列大帳脉自帳中垂落逶迤一線活動樓閃復起山迢遞數十節將入局又大斷過峽頓起橫帳結咽束氣起雙腦星辰檐凹中垂一乳結穴爲雙金扛水之格係橫龍入首後有夜了雙鬼貼身證穴有力再有屏樂高障而穴前兩臂掬抱均勻可愛當面流神九曲來朝諸峰獻奇列秀真貴地也雷氏葬後出古和公禮登進士官至少傅工部尚書蟒衣玉帶從姪曰達登進士官至方伯迄今富貴未艾



矢三  
矢二

九

一





右地在邑西三里地名湖埠其龍分天門山大龍之  
右脉抽出嫩條磊落逶迤數里下平岡入首爲倒地  
曲尺木星結曲睜穴穴星低平左右頻立高山後有  
魏坡了峰高帳前有諸山朝揖大溪環遶小水纏身  
亦福龍格也近無龍虎下關似曠頗難察認只是穴  
後拖有長鬼帶墩如拳證得穴真合曲睜格也係艮  
龍百步入首杆丙向葉氏始祖迪功郎墓自宋迄今  
人丁大旺多出儒官間有科第人多文雅爲禮讓之  
族嘉靖庚子墳忽陷有氣如霧出者竟日亟修葺之  
而舉族遭回祿之災足徵數百年猶關福蔭未替云



河西一穴芳谷公名墓也

浮梁方憲副祖地

短鬼  
證穴  
格



卯龍入首  
作癸山丁  
向兼丑未

大溪來



右地在浮梁縣南五里土名毛嶺龍遠不詳述入首  
大斷開帳落脉結咽起金星轉面結橫腰穴龍氣奔  
走六七里不住只是穴後短鬼撐貼甚奇證得穴真  
其去勢乃餘氣長力量大自方氏葬後奕世科甲







## 論禽星

禽星者水口中之石也亦謂之落河火星楊公云問君如何謂之禽龜魚生在水中心或如笋如笏如遊魚龜蛇飛鳥金箱玉印蓮花筆架森森叠叠磊磊落落或高或下或長或尖或圓或方或聚或散如此禽曜極爲秀貴若見高昂二丈三丈主爲官入朝極品之祿州省城廓水口中多有之若小小石頭依山傍水浮石無根者謂之稱官不見祿終是假官人必有根盤結水中聳起高昂爲義凡入鄉村水口間溪河中見有此奇異之石必有大貴之地宜尋取龍穴不可忽也如福建甌寧李



天官及秦和蜀口甌陽氏祖地皆河中石曜挺然奇異而應貴穴此禽星之驗也


吾邑瑤溪張氏海鰕戲珠形一印石當前亦其格也

圖附下



建寧李天官祖地

建寧府治





右地在建寧府南七里土名七里街其龍開帳撒落  
平陽順水而下入首翻身逆水突起高墩成太陽金  
星結穴右畔石曜浮于河中貼身照穴有力且以關  
內堂塞鎮外堂迥然獨異是爲貴證後樂撐天高帳  
二重前面本身一字文星橫欄穴前以收內氣而外  
洋寬暢大溪之水特朝數里真貴地也乃翠屏公名  
號翠屏自擇以葬其父巖叟葬後數年而尚書公名  
號古冲登正德辛巳進士官至吏部尚書至今富貴未艾俗呼爲上水魚  
形以愚觀當取蟠龍戲珠形



歐陽尚書文莊公祖地

贛河





右地在泰和縣西南十里地名蜀口其龍與縣龍同  
祖至武山又迢遞三十餘里與縣龍分脉不詳述入  
局開帳過峽頻起御屏中垂一脉結穴穴情甚巧兩  
畔重重包裹前鋪氈褥下關有力穴當逆朝大局羅  
城垣聚遠秀拱揖潁河特朝與小源合會遠青龍纏  
玄武而河中巨石禽曜關鎖水口以爲貴證左手一  
穴俗呼水推羅磨形亦美地其陽基正坐御屏亦共  
此局此曜陽基得水陰穴藏風故歐陽氏人丁大旺鉅富顯貴  
高壽諸福咸集皆此陰陽二地所鍾也係乎先覺先  
二公自卜今兩房富貴皆均茲特詳于左



歐陽子

以定

以信

琳

定之 子為 信後 壽九 十四 歲

清

賢

仁

和

徵聘

訓導

舉人

國子

監助

使

按察司副使

百歲 贈吏部左侍郎

封知州

進士

部尚書

翰林

學士

太子少

保謚

莊

餘慶

府知生官

讓

和

皇

監生

紹慶

生部

潤

寧

王府紀善

封工部主事

按察使

進士

鄉魁

南京

進士

誥

南

京

執

銑

鴻臚寺主簿

按察司副使

濬

恩例

鵬

進士

工部右侍郎

郎

右都御史



卷之三

三

三

歐陽先覺

以忠有百

壽

子唐俊廣吉

進士

說同知府雍知府雲

解元

監生

歲二

子宗庸湯

湯別部憲教授廷臣

崑進士

崑進士

乾利監

昇

鶴生員

席進士

乾貞

沐進士副使大參

以吾子廉正

洛知縣古

衛洗馬

與



瑤板張翰林祖地

地名  
上張  
永南

丁  
峯

龍  
顧祖



大溪



右地在吾邑二十九都水南其龍來脉發自巷頭松  
山分幹甚遠不詳述奔騰百餘里起歸僊火星作少  
祖又磊磊落落數十里開帳過峽重叠比入局展帳  
轉身飛蛾降勢結回龍顧祖之穴龍勢踴躍穴情清  
巧左右廻環堂局團聚四勢和平前朝秀異一峰侵  
雲尖麗可愛穴下石印圓平當前以為貴證良龍入  
首杆癸山丁向兼丑未係廖金精下取作海鰕戲珠  
形以禽星石印為徵也葬後出兄弟四神童澤公及家  
泉蒙正公皆以一駙馬尚宋理入翰林者四沐公顯  
兄弟登神童科忠公仲璫公修職郎式公國朝理學二瑤瑛先生進



士數十人封廕奏名登仕版者又百餘人世宦蟬聯  
以石印當前亦懷內圓墩主貴人出繼故秋谷公嘉  
善以姪繼姑爲徐知州從龍公子懷內圓墩自本身生者  
主出繼外姓自外山生者主外姓入繼此蓋本身生  
者也今二族俱鼎盛未艾



卷之三

七



論曜星

曜星者亦是龍之貴氣旺盛發泄而出者也凡龍虎肘外龍身枝脚穴前左右之砂明堂下關水口及龍身隨帶之間但有尖利巨石皆爲曜星凡地貴必有曜楊筠松云龍真穴真只無曜空有星峰重叠照縱饒積玉與堆金兒孫終主登科少是言有曜方有貴氣又宜長大楊公云曜星短少只些兒簿尉丞叅品位卑科第縱饒僥倖得終歸夭折少年時故曜若長大則貴亦遠大曜短小則貴亦卑小又宜近穴故云曜星若現石尖生貼身橫過面前平伸手若還拈得着少年一紀狀元名蓋



遠則見效遲近則可以催官速發矣此皆確論但其所謂或如刀或如劍隨水順飛俱冉冉庸師只斷定離鄉不知內有真龍占此則必以龍穴決其吉凶蓋來龍是祖宗父母穴是主人曜星乃是客必先以本身龍穴為主而後可以定其吉凶果龍穴真貴則如大貴人必有軍將兵衛或左或右或出或入或來或去皆是奔走服役故順去者亦無所畏若龍穴假賤則爲離鄉退田刑殺之砂矣張子微謂順水去曜必要外面有遮欄裹截則吉若一向蕩然無收乃是離鄉之砂而不可爲曜固爲有理終不若以龍穴爲主而兼之子微遮欄裹截之



說則盡善矣楊公又云龍山雙管進田筆進契年年吉  
右邊尖射便爲凶千萬莫相逢或疑其說以爲虎山帶  
曜者不可用殊不知前輩教人各隨意所寓虎尖誠有  
不可用者若龍真穴貴則彼爲真曜又與刑殺不同進  
田退田二筆不可全以在龍虎者爲是只以上水下水  
取之爲當若在龍而順水帶殺亦爲退筆在虎而逆水  
有情亦爲進筆此亦姑就進退二筆言之若推其至必  
以龍穴爲主苟龍穴既真如前所謂隨水順飛俱冉冉  
者皆貴曜矣何分青龍白虎何分順水逆水哉但刑殺  
有似於曜各要分別楊公云或如鑽或如針兩邊相指



穴前尋非惟子息多清貴更須積玉與堆金又云圓峰連堆堆又跌射到穴前尖又劣兄弟父子慶同年紫綬黃麻朝玉闕又云或闕或射或交峰尖尖有石在其中賢良科甲渾閑事三台八座及神童此皆有口訣傳授不然尖尖相射相指相闕之砂皆爲刑殺主兄弟相戕及遭軍配殺戮凶禍烏可爲貴張子微以兩尖相射者必要有遜讓迴避爲吉射到穴前者以橫直別之橫者爲吉直射向穴爲凶誠確論也蓋此等貴曜却與凶殺亦頗同形毫釐之間便分凶吉苟無真見未有不畏懼者故楊公云禽曜星貴無價生在穴前形醜恠

醜恠即醜之恠也



水之說非曉岩愚 凶形之醜恠也 尖尖順水或斜飛世俗庸師見卽怕

誠以曜星尖利亦有順水亦有斜飛者自常格論之爲  
退田筆離鄉砂實有可畏高人見得龍真穴貴故不以  
爲嫌苟認龍穴不真則爲刑殺而凶矣王峰寶傳云不  
遇刑殺大官不發大殺大刑高科魁名或疑其說以爲  
如此則刑殺亦無所畏耶是不然世人以曜星爲刑殺  
故其辭曰若要大官高科除非世俗所謂刑殺也下文  
又云刑不刑殺不殺秀在尖拔其意謂世人之所謂刑  
者實非刑所謂殺者實非殺其秀氣全在于尖拔處除  
非遇此然後謂之遇刑殺非世人之所謂刑殺也如浮



梁李侍郎豐城黃尚書樂邑沐國公及吾邑張尚書祖  
地皆見夫利順攬之砂以常見論之皆爲不吉只是龍  
具穴的乃是明曜適爲貴地之證是其格也

諸圖見下



浮梁李侍郎祖地

鳳凰展翅形冠上穴





右地在浮梁東鄉義倉塢乃大龍翻身朝祖穴在窮源且右砂攬下明堂尖利順水前砂尖利向穴局又迫狹無一可入俗眼國師吳景鸞爲李氏下後出侯二侍郎五學士三神童四開國食邑者一蓋其龍以火星三台中落飛揚頓伏翻身起頂降勢垂脉成金星開窩之穴皆是貴格下關一臂有力前面砂雖可畏乃是明曜如大貴人必有披堅執銳侍從之人爲我所用何畏之有其水尾源頭局雖窄然顧祖之穴骨肉一家況是大龍翻身入塢非比小龍山脚小穴卜氏謂窮源僻塢豈有真龍蓋恐人以山脚無龍處



利地耳

城黃氏祖地



九子十  
尚書

沅江

俗呼眠

犬岡

永來



右地在豐城土名浣江犬眠岡其龍自兩髻山作祖  
行度甚遠不及詳述北入局橫列九腦芙蓉潤帳正  
脉中落重穿九腦轉作工字復大斷過峽頓起直三  
台入首爲天財土星擔凹中結垂珠穴穴情甚巧氣  
感於前後宮仰厓而明堂緊巧下手有力後有帳幙  
撐樂前有群峰星秀近有獅象鎮塞遠有日月捍門  
真吉地也葬後出徽猷煥章二學士名禮若掌銓曹  
紹宗歷秋官平彥及曰明曰穎曰彥輔曰元之曰子文並  
列朝議一時九貴乃龍格九腦穿心及砂法九曜之  
應以有婿登台座故今鄉傳九子十尚書云係王點



脚所下其龍盡處又結小地以俗眼觀之小地齊整  
可取此穴龍氣不住前砂順水決在所棄矣王君誠  
亦明師也

圖見下



樂平黃尚書祖地

乾山  
吳向



卷三十一

二十四



右地在樂邑治南九十里土名高橋其龍來遠不詳  
述入局落平岡開帳穿峽起華蓋中出結穴兩掬有  
情穴前氈褥平坦明堂融注前朝奇峰羅列取作胡  
僧禮佛形以群秀當前也只白虎巨石長出如笏順  
水係緣督趙僊翁爲程氏下曰曜星現笏斜出貴  
當在外甥主人嘆曰奈何翁曰休嗟休嗟還是自家  
後果生女適藍坑黃氏女回省母而喪子因抱笏子  
歸黃爲子卽尚書也果符仙翁之言



沐國公祖地

一  
須矢三斗一

三斗五

西虎相  
交形





右地在樂平縣地名大汾澤又名鷺塘其龍來歷甚遠吳公鉗記只以王大山爲祖蓋指坊近者言之自王大山分兩龍一枝逆水而上去結明溪許氏陽基一枝順水而下比入局翻身逆當大河洋朝以結此穴將入首大斷出帳度峽連起貪狼卓拔飛揚形勢雄偉復頤王枕土星結咽束氣起凹腦土星垂短乳乳復開窩窩之左右兩石鉗甚巧窩中平坦天然僅可容棺穴下餘氣則陡峻頑硬而龍虎兩山頭雖高昂脚却俯伏插落拱抱有情大河水自辰巽轉午當面陽朝繞流脚下河中巨石磷磷如禽如獸朝山數十里



外聳入雲霄如褰旗展帳帶甲馬招軍旗兜鍪鏖劍戟  
金甲金鼓御傘將臺屯兵列陣貴應重疊右畔隔河  
一山千里大會至此卓立端拱如侍臣焉真公侯之  
地也惟是武曜發露巨石峴巖青龍順飛白虎昂雄  
穴前陡峻元辰水傾恠異驚人莫能測識吳廖譏贊  
李氏葬後遷定遠生黔寧王英值元末天下大亂我  
太祖起義師英累建大功封西平侯卒贈黔寧王  
配享太廟贈三代皆王爵四子長春襲侯次晟以  
功封定遠王次昂任都督總兵次昕尚公主授駙馬  
都尉至今子孫襲黔國公爵世鎮雲南



按此地後龍雖美至結穴處山峻星粗全是惡石白  
虎雄昂青龍順攢砂飛穴陡橫龍入首落脉模糊其  
直串龍勢而去之山似於不佳况穴星無頂坐當凹  
處後無樂山元辰又傾水口低遠無一可入俗眼者  
初見莫不驚駭不知大幹龍地稟氣厚力量大山峻  
星粗與之稱也全身惡石威武應也白虎昂雄殺伐  
權也青龍順攢離鄉貴也星無正頂凹腦格也龍勢  
不佳餘氣旺也穴陡水傾先凶兆也後樂無山水口  
低遠幹龍護從隔州隔縣不取近也諸般醜拙總爲  
吉用但未葬時梁公有曰福在三十年後禍在初葬



之時苟非李公有出尋常萬倍之見豈能葬之哉蓋  
積善之報冥冥中必有主之者耳篤生默寧輔我

皇明爲開國元勳世享爵祿豈偶然哉

傳疑宋末丞相馬碧梧廷鸞墓其地不能識穴請

張真人降神筆神批云吾是鵝塘之土地丞相問

吾求大地相地之師未降生得地之人未了未丞

相喜曰吾夫人未生未了未其吾夫人壽歲乎神

復批云丞相好不安分此李國公葬祖母地也丞

相乃止大汾有李公者家世積德生五子好施與

作小舟渡人吾邑地師梁饒與之善因遠四求渡



時歲暮矣且雪李公曰天寒如此何不止宿吾廬  
待霽而行梁遂宿焉明日天又雪又明日雪甚路  
無行者公待之愈厚至元旦天始霽梁求行公又  
固留因款飲舟中且以伺人之欲渡者飲至酣梁  
乃乘酒大呼曰世上何人能識我今日時師後代  
僂吾所下地非貴卽富李公因曰願公賜我言地  
梁嘆曰此間誠有大地但恐公無此福耳李公曰  
據吾先世積德吾平生好善除却天子之外任是  
將相王侯地吾可當之梁壯其言令畫字拆公乃  
用舟篙於土上畫一一字曰當報我第一等地梁



曰土上加一乃王字也知其福厚遂報之指陳先  
代明師鉗贊公大喜梁復謂曰此地曜氣發露令  
人可畏初葬未免無凶入丁家產皆須有損禍後  
而福始應其貴又當從武公中來公曰果有厚福  
先凶不恤也但非已業乃吾宗富姪之山恐未易  
圖後數年樂平明師彭大雅已報其姪姪不之信  
公因以基地易之以葬其妻初果不利公尋卒以  
時疫五子亡其四其一子又因爭水利傷人戍定  
遠後於定遠生黔寧王英元末天下大亂我 太  
祖起兵黎明於田野中前軍報稱虎踞當道上命



勿放箭但鳴鼓以進及進則非虎乃一童睡耳童  
即英也上喜曰此虎將也乃育之軍中賜以國姓  
洪武初復姓上令姓木劉伯溫曰英鎮雲南火盛  
之地以木生火當濟以水又賜點水故今姓沐神  
所批未了未者其木李二字乎

宋國師吳景鸞鉗記云王大山前兩條龍百里隱其  
蹤直奔萬歲名地過金充名地方始認雌雄神后行龍來  
百里三度失其蹤恰如龍虎亂縱橫真箇得人驚要  
知此龍爲官位一一爲君指勝光神后列其方世代  
貴朝郎貪狼文曲現童子出雙選功曹傳送水來雄



清秀出神童寅甲相對便封侯官職在梁州

今雲南  
乃梁州

分野三座祿存高照才子文章好不以文章達御科久

遠管山河山連天乙并太乙本出侍朝職爲逢驛馬

太雄高所以管山河雌雄欲遇要妍對所以不行文

寅申巳亥有來蹤所以出神童

英童年  
紀兵

此地爲官世

代深莫惜與千金

自吳公記後鄉人皆知爲大地而不能識穴廖金

精至此亦蔑從下手盤桓月餘晝夜思索乃得之

喜甚作贊刻石以埋於其穴中

廖禹贊曰二龍爭顧勢如何恰似江豚拜浪波四水



俱朝龍足下官居上將管山河

臨海王侍郎祖地圖見下



臨海王侍郎祖地

仙人舞袖形

台山





右地在台州府治南五里地名紫紗畧其龍發自望  
海峰巒樓下殿精神雄猛骨脉清竒比入局復大斷  
束脉頻起高巒成太陽金星結穴穴甚精巧但左臂  
直硬攔入明堂內局偏斜既逼且窄登穴觀之不見  
外陽只是龍氣甚旺穴星甚尊藏風聚氣乃爲真美  
外陽一字文星暗拱水口交固葬後出七進士二太  
守一侍郎四文魁人丁大旺一房離鄉今居江西亦  
出兩進士但不利長房耳  
按是地乃侍郎敬所王公宗沐祖地也發福悠久英  
才叠出富貴鼎盛不偶然也



德興張尚書祖地



水去

董德彰  
下

金鵝抱  
卵形



右地在治南二十里土名桃枝源其龍卽吳國師仲  
祥所下十院張氏倒騎龍穴之餘氣山發來者只此  
盤旋又五里開帳中落入首復大斷起飛蛾束氣結  
穴尊重但上手砂直硬順水下臂短縮收乘不過爲  
異耳此貴地之曜也葬後出省齋公憲官至禮部尚  
書外一穴俗呼蛇形富地耳

傳疑董公見此有内外二穴内穴最貴却恠異非  
常龍山直硬順水下關短縮局逼窄不見明堂又  
是窮源僻塢外穴龍虎齊整明堂寬平易入俗眼  
公自度若先點外穴則内穴必棄乃先點内穴葬



畢又指外穴人果皆以外穴爲羨而嫌內穴豐城  
何巡宰見而竒之曰內穴雖醜可出尚書後果驗  
曜氣亦有出于水口者如臨海謝皇后祖地其格也

圖具下



臨海謝皇后祖地





右地在台州府治北八十里地名黃沙其龍發自天姥歷僊居奔行百餘里中間換博過脉開帳蓋莫能盡悉將作穴星峰精秀五星九星皆全而起者衝天伏者入地大者橫開濶帳動十餘里小者如絲如線如拳如盃至于無形曲者如生蛇方者如屏臺花皆奇巧入首帳中落脉垂頭作穴而本身帳角兩肩已來右邊微薄而左砂太長衝過穴前順水無情爲異耳然大勢團聚衆山環遶水口重重華表捍門禽星獸星迥然奇異故其課云水口豹尾一山封王駐節

葬後出一后

宋理宗皇后

封侯王

我朝謝文正公遷乃其裔也



蔡尚書祖地



左砂牙笏  
貴曜庸術  
嫌其逼近  
而鑿去之  
惜哉



右地在台州治東南四十里地名水家洋錢舉其龍  
自望海峰發祖五十餘里至黃土嶺過脉疊起大帳  
連過數峽乃頓御屏屏中落脉翻身面南頓伏逶迤  
成走馬串珠入穴穴甚奇秀亥龍入首作丙向龍身  
分出一枝送至近穴成太陰文星以爲正案登穴觀  
之似乎太逼不見外洋其實翻身大轉穴前之水送  
達于右與大江大會合襟在御屏後數十里山水皆  
暗相擁抱葬後先出小貴曾孫潮登進士官至方伯  
方伯公之子曰雲程登進士官至刑部尚書孫椿齡  
松齡栢齡俱貴迎恩官知府惜被庸術鑿去曜氣福



力遂減

紫堂秘訣云斬尖截曜是猶剪爪截髮以爲贅疣而不知軀膚之傷戕此世俗之人見夫曜則畏之聽時師之言斬鑿除去如人身軀頭有髮手有爪始成人形以爲無用而去之不成人軀矣月禪師云虎有爪牙威始壯龍無鰓角物非神鰓角爪牙形軀見秀靈孕育不凡人爪牙鰓角卽夫曜也白雲先生頴秀篇云不夫不貴不圓不富釋者曰夫謂秀曜也圓謂倉庫也又云山之秀水之秀山水秀形俱出曜山之曜水之曜不怕尖來及飛走湖池生角岸如鎗沙嘴石



牙水中寶欲去還留往復回全家食祿堆官誥此言  
水亦有曜也又云曜在山不如水山發遲遲水快利  
水中更有石尖生官不出門取高第此言水曜之應  
快於山曜也玉髓經中如水火既濟之地池岸缺缺  
池心拔笋皆曜也大抵水速於山以其混混長流不  
舍晝夜而其來也無窮而不可遏所以易發故楊公  
不怕山尖與水飛水亦言曜也水飛是水左右屈摺  
夫岸交牙如鳥翼飛扇非言其飛去也白雲先生云  
學術十年不識龍脉行地十年不識曜訣遷墳十年  
不定穴法積三十年之智而後得師更十年從學而



後盡術夫以張公之明鑑猶至三十年後自知術未  
精不敢謂盡及得師而敬學焉又十年而第盡術以  
四十年之久而僅明地理不亦難乎今人剽竊遺文  
涉獵古斷粗能諳曉便謂盡術欺世乎欺天乎不然  
白雲豈復爲謙辭哉一行曰上在東宮日與白雲先  
生張約獵於溫泉之野御駕疾馳約二十餘里上偶  
過一山見新墳白雲先生與上觀諦久之曰葬失其  
穴上曰何也對曰下龍頭枕龍角不三年自消鑠適  
遇樵人問曰何人葬樵者曰山之南崔巽死而葬焉  
上欲救之令樵者引道至巽門其子斬衰迎蓋不知



東宮也上曰山前新墳誤葬吳曰父遺言葬此上曰  
何言對曰安龍頭枕龍耳不三年萬乘至上驚約曰  
臣學未精劉氏俎談白雲先生張約斷崔氏墳有龍  
頭龍耳之差獵歸東宮問曰龍耳龍角孰是孰非約  
曰臣之說非東宮曰以義言之謂之銷鑠何也約曰  
臣不惟失穴法於曜法亦有未精其前山曜臣以爲  
車輪帶鬼掃故謂消鑠當在三年之間今其父萬乘  
之占旣驗歿下果幸其家則前山之曜乃車輪帶虎  
尾非是掃也九原可作所願學焉觀此則白雲之說  
信徵云吁難矣楊公云其官也其曜也其生也其死



也其去也其來也官曜生死去來訣六字不離乎口  
說有人明得六字訣須是神僊親口說既分定官曜  
只謂生死去來楊公言之而不盡之此又在乎口訣  
機緘也

人子須知卷之三十一







人子須知卷之三十二

德興山人

徐善繼

同著

此一卷專論砂圖夫砂法甚繁難以悉陳其大要必  
從龍穴以別貴賤故曰砂如美女貴賤從夫然亦有  
吉凶一定不可移易者如探頭刺面掀裙等形終不  
可使之爲吉而玉帶御屏帝座等砂終不可使之爲  
凶之類是也今於諸家砂法中撮其近理者編爲一  
卷分上中下三格富貴賤三科而各取的於龍之貴  
賤以斷其吉凶之準庶幾展卷則得其要歸耳



口議

一凡砂之形象不必盡拘廖氏云喝砂相似便爲是奉  
勸莫執泥又云砂形變象原不一觸類宜詳推在人  
心巧與目明自可立名稱

一凡砂之擬於物類不可膠執盖山形萬古不易而物  
類則因時更變固有古方而今圓古賤而今貴亦有  
古有而今無者如唐帽賤於唐而貴於宋玉魚金魚  
佩於宋而國朝不用之類烏可盡以執泥在人活  
潑而決之耳

一凡砂格中多有御用之物如帝座御屏之屬非謂有



禁穴乃朝臣之應也。廖氏云：格中多有帝王制，非謂其有位宰臣侍從。近清光朝夕得翺翔。

一砂格有專論其山巒之頭者，有專論其山巒之脚者，有兼頭脚而論者，又有兩山三山相合而成一格者，不可拘於一律。如華蓋文筆等，則專取其山頭；進田筆倒笏等，則專取其山脚；謝恩絳節等，則兼取其山之頭脚。馬上貴人點兵報捷之類，則取數山相映，湊合而成者，也在人聰巧可取，亦須多見古格，而心有所主也。

一砂格中又有所謂陰砂者，則專看平田小洲及小可



墩阜山麓石脊之類及穴中不見者此等砂形或在  
明堂或在左右或在水口亦關利害不可不察

一砂中又有刑殺不可不知按廖氏云砂中有殺人不  
知貴賤最難醫仔細消砂殺有八射探冲破壓更兼  
反斷走皆凶解說要人通射是一尖來向穴徒配何  
須說探是斜山少露頭作賊不知休破是浪痕直透  
頂淫亂恣遊騁冲是橫來插穴前非禍自連綿壓是  
穴前砂崛起奴僕常反主反是曲身去向朝離反永  
飄飄斷是腦下自橫浪斬首無人葬走是斜身順水  
飛遊蕩不思歸若是真龍去殺合禍福終須雜避凶



趨吉最爲奇穴上討便宜又吳國師云砂中有殺要  
消詳立穴先須作主張巉巖高壓及尖射避却方能  
免禍殃蓋近穴有醜形之砂亦須迴避爲美遠則勿  
泥

一龍真穴的而偶有一砂之嫌衆人莫敢信者則思喝  
形以制之蓋喝形亦可壓制諸砂卜氏云尖鎗本凶  
器遇武士以爲奇浮屍固不祥見群鴉而反吉之類  
亦有理如旗鎗當面或作將軍大坐枷鎖橫屍則取  
貴人監斬之類大抵要取重於龍穴也

一砂形肖物類而多應不特陰地陽宅卽如郡邑亦所



關係若黃坡嚴家坂有筴筴石其鄉筴上有靈弋陽  
圭峯如拍板其邑多出戲子常邑塔山如葫蘆而多  
名醫莆田壺公山如卓笏而多朝貴莆田壺公山  
曰莆田多人承天馬良了髻雙峰居水口而郡多雙  
薦是皆砂之應驗耳

一凡觀砂法須審向背情性司馬頭陀曰以端方而知  
其忠以傾側而知其佞柔亂以知淫卑劣以知賊粗  
猛以知惡瘦薄而知貧粹美知慈威武知斷寶鑑云  
山厚人肥山瘦人飢山清人貴山破人悲山歸人聚  
山走人離山長人勇山縮人低山明人達山暗人迷



山順人孝山送人欺此皆其槩耳蔡牧堂曰觀形貌  
得其偽觀性情得其真斯確論也砂形義惡圖具下




中格貴砂

大 小 貴 人

此格乃主



父子同貴



此格主出

兄弟同貴

大小貴人者一峰高大一峰低小也上一格主父子同  
貴下一格主兄弟同貴皆要砂形秀麗

上格龍主父子叔姪兄弟同科同朝 中格龍主父

子兄弟皆有文名無顯貴 賤格龍主僧道師徒有

名




上格貴

龍樓

鳳閣

貴人



宜作正案

龍樓鳳閣貴人乃木星居於水星之上火星之下耳蓋  
自下生上以水生木木生火故為最貴要星辰特異各  
各合形尊嚴光彩方為合格

上格龍主高科顯貴功在社稷澤及生民恩榮奕世  
中格龍主翰苑聲價日近天顏 賤格主富有聲




上格貴砂

玉堂

金馬

真人



宜作正案


玉堂金馬貴人者乃貴人之後有御座前有馬山也要  
清秀端正忌破碎走竄宜左右均勻

上格龍主文章冠世高科及第玉堂顯貴 中格龍  
主典大藩 賤格龍主富壽多僕馬



上格貴砂

帳下貴人



宜作正案


帳下貴人者水星之下有木星也要清秀端正忌破碎粗醜欹斜飛走迫近高雄巉岩帶石

上格龍主尚書侍從錦衣玉帶中格龍主典州郡之官賤格龍主出僧道得官



上格貴砂

蓋下貴人



宜作正案

蓋下貴人者華蓋之下有木星也要清秀端正忌欹側  
粗惡須三蓋不同其所應則無異也

華蓋寶蓋冠蓋  
謂之三蓋也


上格龍主尚書侍從臺諫  
中格龍主出鎮大藩

賤龍主出僧道



上格貴砂

殿上貴人



宜作正案

宜傍出

上貴人者聚氣火星之下有木星木星之下又有水星也要三星皆清秀端正忌破碎飛走


上格龍主宰相秉國政有大功勲身係安危名聞四夷中格龍主文章名譽出典大藩賤龍主僧道

蒙恩



上格貴砂

臺閣貴人



宜作正案

宜傍出


臺閣貴人者聚氣火星之下有土星土星之下又有木星也要三星秀麗端正忌破碎欹斜

上格龍主拜相寵遇獨隆中格龍主尚書侍從一人兼數職之祿賤龍主僧道入朝面聖



上格貴砂

觀榜貴人



宜作正案

宜傍出


觀榜貴人者水星之傍有木星也要端正秀麗忌欹斜不正榜高貴人低者是正格或榜低貴人高亦吉但低者不宜太低

上格龍主科第高登翰林榮貴中格龍主郡邑之官富冠鄉邑賤龍主僧道奴卒之屬



上格貴砂

玉堂貴人



宜作正案

宜傍出

玉堂貴人者聚氣火星之下有木星也火明木秀貴入  
玉堂忌破碎欹斜飛走浪痕崩赤


上格龍主入翰苑知制誥經筵進講 中格龍主文

章名譽陞朝之職 賤龍主僧道得貴之扶持



上格貴砂

簾幕貴人



且作正案


簾幕貴人者木星在數重水星帳下或在數重之中皆是也要清麗端正為合格忌粗醜破碎欹斜不正

上格龍主執政公孤極品之貴及女貴中格龍主與大藩方面重臣賤龍主為優人樂戶妓者



上格貴砂

臨軒貴人



宜作正案


臨軒貴人者木星在星愚侍從之前也要清秀端正爲合格忌破碎醜陋欹斜不尊帶石點剥

上格龍主白衣上殿狀元宰輔承恩膺寵得君獨隆  
封蔭重重中格龍重重封誥位重坐尊賤龍主  
僧道面君徒從衆



上格貴砂

披髮貴人



宜作正案


披髮貴人者木星傍拖似於斜側也此乃木星帶火不可以斜側爲嫌但要清秀切忌醜惡

上格龍主文武全才威振夷夏專節鉞斬斫自由  
中格龍主布政提刑之貴 賤龍主法師有靈顯



上格貴砂

玉階貴人



宜作正案


玉階貴人者木星在疊級數重之外也要端正秀麗而階級重重平正為合格也

上格龍主出朝貴秉政專權中格龍主將校有威勇賤龍主雜職



上格貴砂

節下貴人




宜作正案

踏節貴人要看節山高低相稱大小疎密俱均而貴人之山居於其下端正尊嚴方為合格

上格龍主文章清貴文武全才出使外國 中格龍職掌大藩威權烜赫 賤龍主藝術巫祝



上御  
格座  
貴貴  
砂人



宜作正案


御座貴人要星辰尊重左右相稱方爲合格玉樓寶殿  
宮妃侍臣四將軍俱備貴不可言之格也

上格龍主運籌幃幄爲帝王師及明賢理學配享追  
謚中格龍陞朝侍從及駙馬妃后儀賓長史賤  
龍神廟血食



上格貴砂

仙橋貴人




宜作正案

仙橋本水星而兩角又撐火木也下有木星亦帳下貴人耳要仙橋開展左右均勻貴人正當其下不欹斜方爲合格 上格龍主年少高科翰苑清顯君恩寵渥亦主神仙清高 中格龍清高賢士文章華藻翰林清貴祿位陞高 賤龍主捐介之士及高僧



上格貴砂

仙橋上貴人




宜作正案

仙橋之上有貴人與幙外貴人相似但此格差貴要清  
秀端正方爲合格多出人好神仙及出清高大儒

上格龍主出位極人臣輕視爵祿屢詔不起志慕神  
仙中格龍主完名全節高壽慕神仙賤龍主無  
子孫獨享高壽



上格侍  
貴講  
砂人



宜作正案

宜傍出


侍講貴人者木星山畔有土星如臺若貴人侍於臺案之側也要端正清秀忌斜走粗醜

上格龍主侍讀侍講經筵台閣之貴爲王者師中格龍主儒官訓導之職及吏員蒙師賦龍主侍卒奴隸



上格貴人

幕外貴人



宜作正案


幙外貴人者木星在水星數重山外如人在簾幙外立也要端正清秀忌欹斜粗醜不合格

上格龍主陞朝之貴中格龍主獨孤子孫先死自

享富貴賤龍主高僧奴隸



上馬 格上 貴人 砂



宜正案

宜水口


馬上貴人要人高馬低星辰清秀方為合格若得旗節儀從相稱福力充加主文武全才功勳掀揭

上格龍主尚書侍御專兵權威振邊方名播遠夷汗馬功勳中格龍主與大藩及富豪多才產僕馬賤龍主牧馬及木匠



上格貴砂

執圭貴人



不宜傍出

宜正案

執圭貴人要星躔清秀人高圭正不欹斜破碎方爲合  
格若御座台蓋旗鼓相應左貴


上格龍主尚書九卿立朝正大 中格龍主科甲出

京堂顯貴 賤龍主僧道禮拜神佛



上格貴砂

龍門貴人



宜正案


龍門貴人者木星兩旁有華蓋峰也要清秀端正方爲合格忌斜側不正帶石則減福力

上格龍主一舉登科少年及第直言敢諫朝野聞名  
中格龍主星親國戚文武全才  
賤龍主屢舉不第  
拜謁侯門



上格貴砂

執笏貴人



宜作正案

宜傍出

執笏貴人要星魁清秀人高笏正不欹斜破碎方爲合  
格若御座台蓋旗鼓相應尤貴

上格龍主尚書九卿立朝正大 中格龍主科甲出  
身京堂顯貴 賤龍主僧道禮拜神佛



中格貴砂

按劍貴人



宜正案

宜傍出


按劍貴人者貴人山下有尖利之山倒地也要逆水爲  
吉順水則凶其劍亦忌射穴此砂多主武

上格龍主將軍威振四夷  
中格龍主監斬提刑之  
貴賤龍主出劊子手



上格貴砂

五馬貴人



宜正案

五馬貴人者貴人山居五馬山之中也要諸峰秀麗忌  
破碎粗醜飛脚亂竄此砂主武

上格龍主尚書侍從有邊疆功中格龍主五馬專  
城及典馬之官又巨富多馬賤龍主牧馬販馬




上格貴砂

金馬

門中

貴人



宜正案


金馬門中貴人一峰居中天馬左右要均勻端正貴人  
低亦不妨廖金精下白牛坦地杭州高閣老江頭祖地  
皆此朝山俱拜相

上格龍主拜相兄弟叔姪同貴 中格龍主文名翰  
苑 賤龍主牧馬蕃息



中格貴砂

雙薦貴人



宜作正案

宜傍出


雙薦貴人者雙峰全峙也要清氣光彩雙峰相等忌斜側嶢嶢飛走破碎或一高一下亦不合格

上格龍主兄弟聯登科文章聲價並列齊驅 中格  
龍主富雙妻雙子 賤龍主兄弟同入公門



上格貴砂

雙薦貴人



宜作正案

宜傍出


此亦雙薦貴人與前格同但前乃同時此則聯峙矣要  
雙峰相等清秀嫵媚忌側竄飛走

上格龍主兄弟聯科同入翰苑 中格龍主雙妻雙

子巨富小貴 賤龍主兄弟出家



上 雙 格 貴 砂 書 講 童 雙




宜作正案

雙童講書者兩木星中夾一土星也要土方正木直聳  
秀麗忌土破碎木斜側多主雙事

上格龍主兄弟同入翰苑經筵進講位居官保中  
格龍主兄弟同科同朝巨富 賤龍主兄弟經商



中 格 貴 砂  
左 石 貴 人



在左曰左貴

夾穴耳者是

在右曰右貴

左右貴人者秀峰不當正面或左或右也正面砂反醜  
惡而左右有秀峰主偏房庶出之貴斷曰秀峰耳邊插  
偏房生子登科甲

上格龍主貴為近侍 中格龍主藩臬重臣 賤龍  
主奴僕聰明



上格貴砂

文星貴人



宜作正案


文星貴人者木星之下有太陰娥眉之山也要兩山俱  
秀麗忌破碎斜側走足帶火

上格龍主文章顯達職兼文武中格龍主文名遠  
播品位不隆又女貴賤龍主男女淫佚內醜



上格貴砂

屏下貴人



宜作正案

且居水口


屏下貴人者土星下有木星也要土方正木端聳忌土  
傾斜而不正木破碎而飛走不吉

上格龍主師保秉政侍從之臣  
中格龍主方面重  
臣  
賤龍主雜職及名僧



上格貴砂

台 下 貴 人



宜作正案

宜居水口

台下貴人者三台之下有木星也要台星均勻木星端  
聳忌台星不勻木星斜側不合格

上格龍主三公極品神童面聖中格龍主陞朝之  
貴賤龍主出名僧門徒甚衆



上格貴砂

捧誥貴人



宜正案

宜傍出


貴人捧誥要貴人端聳誥軸方平及高低相稱不歌不斜方爲合格廖氏謂榮達之象最吉

上格龍主天恩寵渥重拜褒封中格龍主爲侍御  
欽差傳宣之職賤龍主走卒師巫



上格貴砂

展格貴人



宜正案


展格貴人乃木星聳於詣軸砂上要清秀尊嚴適當其中不偏不倚方為合格

上格龍主受君恩寵徵聘入朝師保身隆及出仙才  
神道中格龍主重書褒誨封贈父母  
廟威靈賤龍之神



上格貴砂

蛾眉文星



宜作正案

蛾眉文星者狀如半月光媚纖巧也要兩角均勻端正  
清秀忌臃腫破碎邊高邊低欹斜不正

上格龍主文章名譽狀元神童及女貴爲妃 中格  
龍主出人清秀官位不顯虛名則勝多主女貴 賤  
龍主女婦貌美而貧有風聲




須知三十二

三十二

上格貴砂

福壽文星




宜作正案

福壽文星者中稍起頂頗類三台故尤爲吉要兩畔均  
勻端正秀麗忌臃腫破碎

上格龍主富貴雙全官至極品居位長久福壽綿遠  
中格龍主高壽厚福但無顯貴 賤龍主僧道壽高  
頗有名譽



上格貴砂  
清貴文星



宜作正案

清貴文星者清瘦之山嫩巧而細也要兩畔均勻忌帶  
石粗醜邊高邊下斜側比娥眉此格稍高大為異耳  
上格龍主翰苑清貴名望遠播中格龍主虛名不  
貴廉介恬退家無儲蓄主女貴賤龍主僧道聰明  
婦人不潔



中格貴砂

駁雜文星



宜作正案

駁雜文星者兩傍斷而復有低坪不高不爲品字三台  
中頂不起不爲寶蓋此所以爲文星而駁雜者也亦曰  
飛蛾文星 上格龍主出人博學名滿天下無意功名  
中格龍主能文博記隨波混流和氣同俗 賤龍主  
能文多藝飄蕩無成



上格貴砂

帶福文星



宜作正案

宜居水口


帶福文星者卽一字文星而高大帶土觔平正嫵媚也  
要龐厚而不臃腫不粗醜忌帶石峻增破碎斜走

上格龍主文武全才極品祿位文章馳譽五福俱全  
中格龍主科第榮名巨富壽考 賤龍主出人伶俐  
爲隸卒長壽



上格貴砂

帶曜文星




宜作正案

帶曜文星者乃木星兩傍生火曜也亦頗似蛾眉文星  
但圓平不同耳蛾眉圓此格平正復於側畔出曜故曰  
帶曜文星要清秀忌粗破 上格龍主文章蜚聲顯達  
著譽名垂當世后學宗師 中格龍主有文名不能  
顯達 賤龍主秀才善養外婦不顧正妻飄蕩無成



上 格 貴 砂  
一 字 文 星



宜作正案宜居水口

反覆四面皆方正者名正  
一文星充貴與此格頗異

一字文星者乃倒地木星也要清秀平正端尊忌粗醜  
斜走破碎不平正帶石尖竄順水

上格龍主神童狀元宰相侯伯一品之貴才名冠世  
后學宗師 中格龍主魁解清貴名譽著揚 賤龍  
主虛譽徒隆實德則病空有文章不能顯達



上格貴砂

柱笏文星



宜作正案

宜居水口

柱笏文星者木星卓立不欹不斜而清秀端正也亦名象簡文星要光彩嫵媚忌臃腫粗醜斜側走竄

上格龍主狀元尚書侍從台閣之官中格龍主翰

苑清高貴及諫垣之職賤龍主僧道清修篤信神

佛



上格貴砂

王圭文星



宜作正案

王圭文星土之聳高魁要頂平身直不欹不斜挺然清

秀方為合格若歪斜巉巖則非矣

莆田壺公山合此格朱子之同安望見北

山曰莆田多人才此公作怪

上格主出垂紳正笏之人立朝燮理


及崇儒碩傳滿朝朱紫中格主貴有忠貞文名遠

播官位尊隆賤龍主壽富之人及高僧



上格貴砂

金箱文星



宜作正案

金箱文星土之低平者要方正平圓不欹不斜方爲合  
格此砂要再見貴人玉印文筆相助方爲大貴


上格龍主科名高顯爵祿豐厚 中格龍主腰金五

馬 賤龍主小富義民



上格貴砂

王印文星



出正面者是文星

出水口者是羅星

王印文星者圓小山埠或石墩也要圓平忌破碎出正面或龍虎左右是文星若在水口是羅星

上格龍主狀元宰輔冠世文名才兼文武 中格龍

主鉅富百萬納奏官職 賤龍主出僧道有權及墮

胎患眼



上格貴砂

方印文星



出正面者是文星

出水口者是羅星

方印文星者亦小山埠或石墩也此格若見龍樓天馬等砂相稱尤貴不宜破碎若破碎則爲偽印

上格龍主才兼文武出將入相中格龍文名遠播


方面重臣

賤龍主草寇偽職僧道之流螟蛉異姓



中格貴

折脚文星



宜作正案

宜傍出

折脚文星乃一脚拋火也此星若面平嫩媚亦作吉星  
主文官兼武若粗醜則不吉要火脚逆水


上格龍主文官兼武權 中格龍小貴俱內 賤龍

跛脚殘疾



上格貴砂

圓壁文星



宜作正案

宜傍山


圓壁文星形薄而上平有微起之壇其圓如規乃是若  
方扁偏斜肥缺皆非也

上格龍主王侯極品  
中格龍科第文名  
賤龍主  
出僧道



上格貴砂

輔弼文星




宜作正案

輔弼文星者文星中起左右皆有小埠夾從如左輔右  
弼也要左右之墩埠均勻大小相等遠近相平爲合格  
上格龍主狀元宰相文武全才 中格龍主父子同  
朝 賤龍主雙妻雙子



上格貴秘

輔弼二格



宜作正案

此與前格同但此中星稍低左右相夾亦類三台若外  
有他秀此格尤貴要圓正而左右均勻

上格龍主男爲駙馬女作官妃 中格龍主文章高  
世父子兄弟齊名 賤龍主淫賤風聲



上格貴砂

天龍文星



宜作正案


天龍文星者木之發秀而爲龍如花辦焉要清嫩均勻  
此格極貴作龍身尤佳在砂格要中有圓星正同朝穴  
無此則是降節凶格耳

上格龍主狀元宰相文章冠世後學宗師中格龍  
主有文名而不顯達賤龍主博學能文而無盛實



中格貴砂

赦文星



宜居水口

赦文星頗帶土躰若方角骨立則爲御屏此持角垂圓而肥飽且宜居水口主一方永無凶禍

上格龍主出使外國

中格龍主典郡牧邑


賤龍

主僧道而富



中格貴砂

大武星



宜作正案

宜居水口


大武星者其形雄偉躰勢尊嚴謂之武星但不宜欹斜  
破碎即雲中金獻天金是也

上格龍主大將征伐威鎮華夷 中格龍主田連阡  
陌郡邑守衛之職 賤龍主出燥暴無涵養之人



上格貴砂

特立武星



宜作正案

宜居水口

特立者衆山低小星辰獨高光彩穎異故曰特立武星亦猶頻鍾金星而此主貴充重耳


上格龍主出使大藩聲價英烈  
中格龍主出英雄  
武略之人  
賤龍主出軍賊橫逆之人



中 格 貴 砂

金 鐘

王 釜



宜作正案



宜作正案




金鍾王釜皆金星其高大者曰金鍾低小者曰王釜二者在物而言之本爲貴重之器故陽宅陰地凡見此二山皆作貴砂而斷欲其圓淨光彩不走竄不偏側不帶火者爲吉若欹斜破碎走足尖利帶火有痕浪摺皺崩赤者爲凶也若有從砂夾護又當兼從砂斷其吉凶不可執一也此砂亦宜居夾耳左右

上格龍主文章科第敵國之富 中格龍主小富小

貴 賤龍主僧道及神靈



上格 貴車 硖 龍



宜作正案

龍車者以龍引車之狀也以形言之則龍頭居前向穴則吉故必有拜下之山爲貴也

上格龍主文章振揚秉節封侯乘車出使乘麾軍民  
中格龍主州縣小官富多車馬 賤龍主吏典僕之  
人



上格貴砂

鳳輦



宜作正案


鳳輦雖有尖翼而不射穴及穴中不見惟有尖秀之峰  
突兀在前方為合格

上格龍主文章名譽致身榮顯及女貴 中格龍主  
科第州縣之官 賤龍主累舉不科貴在外家



中格貴砂

金爐



金爐者多是石山有似于金爐之形若更有仙橋相應  
主丹藥升仙及出御醫膺聘榮顯

上格龍主富貴陞朝立清要之職 中格龍主蒙富  
好仙 賤龍主出師巫及神壇寺廟



人子須知卷之三十二



